



Broj: 0101-7071-7/17
Sarajevo, 25.12.2017. godine

Na osnovu člana 70. stav (1), (3) i (6) Zakona o javnim nabavkama Bosne i Hercegovine („Službeni glasnik BiH“ broj: 39/14) i člana 59. Statuta Univerziteta u Sarajevu, nakon provedenog postupka javne nabavke robe – nabavka Agregata za neprekidno napajanje, na preporuku Komisije za javnu nabavku broj: 0101-7071-6/17 od 25.12.2017. godine, rektor je d o n i o:

ODLUKU
o izboru najpovoljnijeg ponuđača i dodjeli ugovora

Član 1.

Prihvata se preporuka Komisije za javnu nabavku broj: 0101-7071-6/17 od 25. 12. 2017. godine i ugovor o javnoj nabavci robe – nabavka Agregata za neprekidno napajanje, dodjeljuje ponuđaču Albat d.o.o. Sarajevo, Pavla Lukača 7, 71000 Sarajevo čija ukupna cijena ponude iznosi 26.060,00 KM (slovima: dvadesetšestiljadašezdeset 00/100), što sa uračunatim PDV-om iznosi 30.490,20 KM (slovima: tridesethiljadačetiristinedevedeset 20/100) iz razloga što je u otvorenom postupku za dostavljanje ponuda, ponudio najnižu cijenu tehnički zadovoljavajuće ponude u skladu sa članom 64. stav (1) tačka b) Zakona o javnim nabavkama BiH.

Član 2.

Izabrani ponuđač je dužan u roku od **3 (tri) dana** od dana zaprimanja ove Odluke, na adresu Univerziteta u Sarajevu, Obala Kulina bana 7/II, 71000 Sarajevo dostaviti originale ili ovjerene kopije dokaza traženih tačkom 13.1. Poziva za dostavu ponude br. 0101-7071-3/17 od 24.11.2017.godine, ne starije od 3 (tri) mjeseca od dana predaje ponude, u skladu sa dostavljenom Izjavom ponuđača, s tim da datum izdavanja dokumenata ne smije biti nakon datuma podnošenja ponude.

Član 3.

Ova Odluka će se objaviti na web stranici Univerziteta u Sarajevu www.unsa.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

Obrazloženje

Na osnovu Odluke o pokretanju postupka javne nabavke broj: 0101-7071-1/17 od 09.11.2017. godine, Univerzitet u Sarajevu je pokrenuo postupak javne nabavke robe – nabavka Agregata za neprekidno napajanje.

Za provođenje postupka predmetne javne nabavke, Odlukom broj: 0101-7071-2/17 od 20.11.2017. godine, imenovana je Komisija za javnu nabavku u sastavu: Bojan Crnogorac, predsjedavajući, Alvin Huseinović, član, Ćemal Suljević, član, a za zamjenske članove su imenovani: Sanel Sefer, Enes Halilović i Azra Ramić.

Obavještenje o nabavci broj: 999-1-1-192-3-45/17 objavljeno je na Portalu javnih nabavki dana 24. 11. 2017. godine i Službenom glasniku BiH br.85 od 01.12.2017.godine.

Slijedeći ponuđači preuzeli su tendersku dokumentaciju: BBS Europe, Ekapija d.o.o., Albat d.o.o., Baucommerce d.o.o., Agromehanika-komerc., Energoinvest SUE d.d. Sarajevo, Monti, Instruments, Sicon SAS d.o.o. Tuzla, Teknoxgroup BH d.o.o., Reap d.o.o., Jasmin M d.o.o.Žepče, Alfa-elektro d.o.o. Doboj, Eplan d.o.o., O-mega III d.o.o.Sarajevo, Marchiol d.o.o.

Iz Zapisnika Komisije za javnu nabavku je vidljivo da su u periodu koji je ostavljen za dostavljanje ponuda, dva Ponuđača su dostavili zahtjeve za pojašnjenjem tenderske dokumentacije. Ugovorni organ blagovremeno je odgovorio na postavljena pitanja kroz sistem e-nabavke.

Komisija za javnu nabavku je dana 14.12.2017. godine u 10,15 sati izvršila javno otvaranje blagovremeno prispjelih ponuda ponuđača: Albat d.o.o. Sarajevo, Pavla Lukača 7, 71000 Sarajevo i Energoinvest SUE d.d., Tvornička 3, 71000 Sarajevo . Na javnom otvaranju ponuda nije bilo prisutnih osoba ispred ponuđača Komisija za javnu nabavku se sastala dana 25. 12. 2017. godine, radi pregleda i ocjene ponuda, odnosno da bi utvrdila da li su ponuđači ispunili uslove iz člana 45. do 50. Zakona o javnim nabavkama koji su traženi Tenderskom dokumentacijom, kao i da bi utvrdila da li su ponuđači dostavili tehnički zadovoljavajuće ponude u skladu sa zahtjevima iz Tenderske dokumentacije i da li su kvalifikovani za vršenje predmetnih usluga.

Komisija je konstatovala da ponuđač **Energoinvest SUE d.o.o. Sarajevo, Tvornička 3 71000 Sarajevo**, nije dostavio u svojoj ponudi agregat sa traženim tehničkim karakteristikama motora. Ugovorni organ je u Tenderskoj dokumentaciji u Obrascu za cijenu ponude – naziv i opis robe – zahtijevao određene karakteristike motora agregata. Između ostalih karakteristika Ugovorni organ je zahtijevao da motor agregata ima **6 cilindara u liniji**. Prema dostavljenoj ponudi, odnosno tehničkim karakteristikama koje je dostavio Ponuđač **Energoinvest SUE d.o.o.** ponuđeni motor agregata ima 4 cilindra u liniji, što je Komisija cijenila kao eliminatornu stavku obzirom da nisu ponuđene tražene karakteristike agregata, te je zbog toga ponuđač **Energoinvest SUE d.o.o. Sarajevo, Tvornička 3 71000 Sarajevo eliminisan i daljeg učešća u postupku**.

Nakon izvršene računске kontrole prihvatljivih ponuda, Komisija je utvrdila da u ponudi ponuđača nije bilo računskih grešaka
Obzirom na navedeno Komisija za javnu nabavku je sačinila rangiranje prihvatljivih ponuda prema kriterijumu najniža cijena:

Naziv i sjedište najpovoljnijeg ponuđača sa tehnički zadovoljavajućom ponudom	Ukupna cijena ponude
Albat d.o.o. Sarajevo, Pavla Lukača 7, 71000 Sarajevo	26.060,00KM bez PDV-a , 71000 Sarajevo 0% Popust PDV=4.430,20 KM 30.490,20 KM sa PDV-om

Komisija za javnu nabavku je dala preporuku da se donese odluka o izboru i dodijeli ugovor o javnoj nabavci robe – **Agregati za neprekidno napajanje**, ponuđaču Albat d.o.o. Sarajevo, Pavla Lukača 7, 71000 Sarajevo, čija ponuda je ocijenjena kao najpovoljnija u skladu sa kriterijumom najniža cijena tehnički zadovoljavajuće ponude u ukupnom iznosu od 26.060,00 KM bez PDV-a (slovima: dvadesetšesthiljadašezdeset KM i 00/100), što sa uračunatim PDV-om iznosi 30.490,20 KM (slovima: tridesetihiljadačetiristotine KM i 20/100).

Iz gore navedenih razloga, primjenom člana 64. stav (1) tačka b) Zakona o javnim nabavkama BiH, prihvaćena je preporuka Komisije za javnu nabavku i odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

Rektor

Prof. dr. Rifat Škrijelj



Dostaviti:

1. Albat d.o.o. Saarjevo, Pavla Lukača 7, 71000 Sarajevo
2. Energoinvest SUE d.o.o. Zenica, Tvornička 3 71000 Sarajevo
3. Služba za računovodstvo i finansije
4. U dosje javnih nabavki
5. Web stranica UNSA
6. a/a

Prilog: Zapisnik o pregledu i ocjeni ponuda